

San 15 san = 18
 Februar ye kalo = San 1987
BP 24-Bamako (Mali)
 telefon: 22-21-04/cep: 0155
 dòròmè 5

Kibarudilennaw kuntigi besidiki Ture

Kibaru

a bë bò Mali kunnafoniso AMAP ka yamaruya kònò

yèlèma kunkurunin donna — Mali gòfèrènama la —

Jumadon, san 1987 feburuye kalo tile 20 yèlèma kunkurunin donna Mali Gofèrènama la, Minisiri saba bòra k'u sigiyòrò di mögò kurawa ma.

cogo la, Amèdi Mohamèdi Agi HAMANI, n'o tun taransipòròkow ni foroba baaraw minisiri ye, o bòra minisiriya la, k'a sigiyòrò di Shèki Umaru DUNBIYA ma, n'o tun ye Seware ni Gawo cè siraba nyémögò ye.

Janka Kaba JAKITE, n'o tun ye Jamana nafoloko minisiri ye, o sigiyòrò dira Sumana SAKO ma, n'o tun ye an ka izinikow ni foroba baara jèkuluw Minisiri kankorosigi ve.

Mahamadou WAGE, n'o tun ye izinikow ni foroba baarada jèkuluw minisiri ye, o sigiyòrò dira Ancuman NJAYI ma, n'u tun

ye Peresidan laadibaga ye sòrò konyèw nyènabòli la.

K'a daminè jumadon na, san 1987, feburuye kalo tile 20, Mali gofèrenama sigicogo filè nin ye:

1- Goferènama kuntigi: Zenerali Musa TARAWÈLE.
2- Minisiri fòlò: Poro-fesèri Mamadou DANBELE.

3- Lakanani minisiri: Zenerali Seku LI.

4- Jamana kòkankow ni jèkabaara minisiri: Modibo KEYITA.

5- Kunnafonikow ni nègè-jurusokow minisiri: Mmu Gaku Fatu NYANGI.

6- Sènèkow minisiri: Jetenankolonèli Isa ONGOVIBA.

7- Jamana kónoròkow n'a yiriwalikow minisiri: Kolonèli Abudaramani MAYIGA.

8- Kiritigè konyèw minisiri: Jango SISOKO.

9- Endisiri yiriwali ni Jamana yaalali konyèw minisiri: Dirisa KEYITA.
10 - Dugukolo nafaw ni baganmara minisiri: Elaji Umaru TALI.

11- Jamana baara fèerèw bolodali minisiri: Usumani Mohamèdi JALO.

12- Ladamuli ani kalanko minisiri: Umaru Isiyaka BA.

13- Kènèya ni hadamade-nya walew minisiri: Mmu Sidibe Ayisata SISE.

14- Farikoloryèmajè mi seko ni dànke minisiri: Bakari TARAWÈLE.

15- Baarakew ni foroba ciyakèdaw minisiri: Hama Agi MAHAMUDU.

16- Nafolokow ni jagakow minisiri: Sumana SAKO.

17- Taransipòròkow ni foroba baaraw minisiri Shèki Umaru DUNBIYA.

18- Izinikow mi foroba jèkuluw minisiri: Ancumani NJAYI.



MINISIRI
SHÉKI UMARU DUNBIYA



MINISIRI
SUMANA SAKO



MINISIRI
ANCUMANI NJAYI

— ka bò Mali balikukalansoba la —

Tile tan kalan kère Balikukalanbaarda la Feburuye kaló kónò, ka nyèsin Bamanankanfola bée ma.

Madamu JALO Fatumata KAMARA, min ye "DAFU" nyémögôba ye kuma ta kalan in dayelè don, a ko: "AN ye tile tan kalan in labèn ka nyèsin

Balikukalan karamogó bée ma ani minnu fana bë Bamanankan fè an ka Balikukalanbaarda la. Kalan in tè dò wèrè ye, seginkanni don ani nyégñifaa-mu an ka baaraw taabolo kan an ka kalansow kónò, an ka bén kelen kan an ka baaraw kècogo la, ka kan kelen fò.

O tuma, n'b'a nyini aw

bè fè, sw k'aw cèsiri ni tile tan kalan in fè, walasa an ka kanw bë jiidi. Baara minnu bénakè an ka nyégnye in kónò, clu labènna Musa jabi, Dènba KONARE ani NE YERE fè. An miri b'a la, ay bée n'aw jöyôrèfa. An ni ce aw ka tuloma jò la."

— an k'an baara bolow yèlèma —

An bë don min na, i ko bi, hadamaden mögô miliyén wolonfila hakè de bë Mali kónò. N'en y'o mögô kémè o kémè jé, i b'a sérô mögô 20 dörón de bë sérô olu cèla, minnu b'u bolo dayoré don, faransikan na, an ka sèbènko baara bée bë kë min na.

Faransi ye Mali ni jamana caman mara, fo ka se san 100 nyégñi ma. Nka, o n'a taa bée, faransikan ma se ka dònnyi ni faamuya lase Mali jamana denw n'u nyégñiaw ma, u ka bònögôla teliyalí sira kan.

O de kòsn, "UNESCO" wulila. "UNESCO" ye dinyè jamana hérônyalenw ka tónba bolofara de ye, min nyèsinnen don kalanko ani seko ni dònko walew ma. "UNESCO" ka miiriya kura talen de ye balikukalanko basigi dinyè ktné. O sira kan, Mali nyémögô y'an ka bònögôla ni jamana ka nyetaa sabatili sinsibere k'an bara kanw ye an wolola minnu na, k'an da jèya u la, n'an be se k'an ka dusukasi n'an ka nisondiya jir'u la yérônin kelen, n'a ma kë ni nyinini jan wèrè ye.

A ka ca san 10 ye nyinan, an bë ka munye Mali kónò? Sanjidèsè, jakóngò, dugukolo nagasi, k'o sababu kë jirintanya ni kungojèni ye. Bèe dun b'a dòn ke jiri tè yérô min na, sanji tè na yen. Ni ji tè yérô min, sénè tè se ka kë yen, sanko ka hadamadenw ni baganw magonyè balo n'u magonyè ji sérô.

An bë deli, k'a mèn, an ka cèkortbaw la, ko sègèn kò ye hèrè ye. An hakili la, e kòrò tè, k'an k'an bolo fila d'an sen kan.

An dabaga masa ye sababy de latigè bée lajèlen ye, walasa an ka se k'an yèrè dèmè, an nyéna sira kan. Nka mögô haki-limaw de b'o sababu dën, k'o waleya, u ka dinyèlatigè latèmècoge nyuman sira kan, bawo, Ala bë doni e doni da hadamaden kun, a b'o doni jiginni fèerè fana jir'o tigi la.


O tuma, ni kow jara, ka baw jigin, ka dugukolow nafa dögôya, ka duguw kë temew ye, ka hadamadenw ni baganw sègèn, fo dònnyi kuraw an ni faamuya kuraw ni fèerè karaw de ka nyini, jamana denw fè, k'o gèleyaw latème.

O dònnyiaw n'o faamuyaw n'o fèerè kuraw waleyalí sira teli tèmènen tè an fasoso kanw kan. Olu dörónw kalanni de bë se k'an dèmè sira caman kan, i ko: dugukolo labaara cogo nyuman, dugujukérôjiv nyinini, pènpekòlòw senni n'u ladonni, jirrituru, bedingèw ni balanw labènni ani hadamadenya walew nyènabòli, n'an yèrèw lakanani, walasa, an ka se k'an yèrè niw la hinè, k'an n'an ka baganw dafirizèkew nögôya.

Faso nyémögô y'o bònögôla n'o yiriwalli sira teli waga bë an ye, k'a ban. Balikukalansow dayèlèla musow ni cèw ye, Mali seleke naani bée la. Pariti "UDPM" ni gòférènama ni jamakulutènw ni dugutènw bée kelen don k'a k'u kunko ye sisani. A to b'an yèrèw de bolo sa, bawo bamananw b'a fò ko "ka shè bila kulukulu kónò, o bë shètigi ma, nka shè, i ku siyan, o bë shè yèrè ma.

Den dabò cogo

Den kénèman ka di bée ye, nka
atè sòrò baloko nyuman ko



N'balimamuso, ka kònòta kalo kònòntèn, ka tin sègèn munyu, ka den sòrò o ka tila ka manamana sa i bolo, o man kan. Bawo, ni den dabb cogo ma nyè, a bè fasa, k'a galakako-lcw bò, a senw n'a bolow e funun, a kunkolo bè bonya, a kònò bè boli, a bè fasa fo k'a nyè taa wo la, a bè halaki. Aw bèe b'a dòn, n'an den banana, fa tè sunògò, ba tè sunògò. Tuma dòw an bè taa fura nyini fo kungo kònò. N'o bennna ni foro baara tuma ye, an ka baara bè sagin kò.

An balimaw den tè dabb yòrbònin kelen, a tè dabo fana wanti bée la. Aw man kan cogo si la, k'aw den dabo funteni tuma, bawo funteni barika ka bon, funteni bè den sè-

gèn, a hè den fanga dògoya. Funteni tuma ye bana caman waati ye, i n'a fò, nyònin, ani fèn wèrèw. Sumaya tuma de ye den dabb waati nyuman ye.

Kabini den kalo wòorò, aw b'a deli dumuni dòw la. O dumunifènw bée bè sòrò aw bolokòrò, bawo aw bè shèw mara, u bè fanw da. Aw bè tamati ni woson ani fèn wèrèw sènè aw ka nakow la, waribò t'aw ma.

Den ka dumuni tobi cogo

Aw bè shèw balabala k'a nèrèmu lama yòrò bò a

kònò, k'a tereke filen jèlennin kònò, k'a di den ma.

- Tuma dbw, aw bè tamati bisi, walima ka lènburuba bisi, k'o ji sènsè konyuman, k'o di den ma.

Don wèrè, aw bè se ka woson balabalalen tereke konyuman, o fana bè den nafa. Aw bè se ka mòniji wali uruyi di den ma. Aw bè to ka dumuniw fò-fò nybgòn kò, fo den ka deli a la. O tuma den ka dabòli bè nògoya, a dabò cogo bè nyè.

An balimaw, n'aw ye nin laadilikanw sira taama, aw denw mó cogo bè nyè, u bè kisi bana caman ma, u bè kè mógo kénèbagatòw ye.

kibaru kanubagaw kuma yòrò furu danbe

furu ma dabò furusa kama.
nka, don dò bë se,
furukè walima furumuso dò la kelen bë ga dafara
ka na se furu sali mǎ.
o dun sababu yé mun ye ?

e, n badenw, a' ye miiri dòonin.
sababu man dògò dè !
hèrè don, bònè tè yen ;
wa, bònè yèrè don, hèrè tè yen fana dè !
bawo, tuma min na sa, ni furukè n'a furumuso
b'a fò ko : "òwò, an bë nyogòn fè",
mèri ka nyininkali don,
e, u tun tè tinyèli sidòn dè !
nka, o don sera.

e, n badenw, mógo tè i kun lawati
ka fèn natò lajè.
nka, i b'i kun kòróta ka fèn taatò lajè.
bawo, fèn min bë na, o bë sidòn n'a sera.

*
* *

nin tun ye cè dò n'a muso ye,
u tun bënnen don kosèbè,
fosi de tun t'u cè, fo yèlè ni tulon ;
furukè bë furumuso dungò k'a ye ;
wa, furumuso fana bë ten.
u bë nyogòn gasi fèngè, ka nyogòn danbe dòn,
fo dugu mógo nyèbòra u fè,
katuguni u ye den caman sòrd.
mógo tun bë nyèbò u fè,
k'i kan to u ka barodaw la :
"e, furu nyuman ka di dè !
aa, cè in n'a muso bëenna dè !
e, nin ko bë laban wa ?"

halib, kuma donsow ko :
"ko daminè man jugu, a labanko de ka gèlèn."
e, n badenw, siginyogònna ni mèennnyogònkan,
o dan de ye nyin ani nèn ta ye.
nka, don dò la, u bë kèlè ;
bawo, a mèen o mèen, nyin bë nèn sògò.

dòw ko : "kèlè man jugu;
nka, kèlè banbali de ka jugu."
"a to ; n y'a to" nyogòn fura duman tè.
n'i y'a mèn ga duman, furumuso nyuman de ko don,
n'i y'a mèn du nyuman, furukè hakilima de ko don,
sabu, miiri de bë nyò kè dòlò ye.
wa, furumuso majiginnen den bë sabati,
a bë barika sòrò ; wa, a tè to kò faden kulu cè la,
katuguni a tè kè faden jugu sago ye.

*
* *

sababu jumèn bë na ni furu sali ye ?
sabaranintigiw !
mun de bë muso bal'ka bò furu kònò ?
e, n badenw, kun caman bë o kè.
nka, n bë se k'a fò :
n'an y'an miiri kabini furusiri tuma na, i b'a sòrò :
cè de ko ka di muso ye ;
katuguni, a wolodenw hami b'a la ;
bawo, muso jigi y'a den ye.
nin sababu fila de ye furu ko bëe ye.

ni furumuso min ye sabaranintigiw ta lamèn,
kèlè bë caya du kònò, ka se yòrò dò la,
o kókan kumaw kosòn, muso b'a kan to :
"e, n tonyòna sa ; e, n tòordòla sa"
n'i ko negebden, "suba hanalayi,
n bë bò i ka du kònò, walasa i k'i yèrè sòrò."
o waati la sa, muso bë se ka ntura jugu t'a binyè ma.
sabu, a bë yaala k'a kònò fò bëe ye.
e, n badenw, sabaranintigiw man nyi dè !
wa, ouli de bë na ni furusa ye.

ni muso min bë furu danbe dòn,
a bë miiri, a bë hami, a b'a fò a yèrè kònò ko :
"e, n taa yòrò kura diya o diya,
n tè se ka diya wèrè sòrò ka tèmè kòròlen kan
n tèna segin denmisènya la tuguni."
e, n badenw, hòròn de bë miiri, a bë taasi ka maloye.
a bë segin a kò, a ka fòlenw na.
nka, ko nyèbali tè se ka nyè.

sababuya wèrè jumèn bë nin miiri se muso ma ?
o de ye dadònbali ye.
wa, a kelen o kelen fana
bë se ka nyagami ko baa kelen de ye.
nka, n'an y'a lajè k'a kelen fò,
o na kè fòkadamatèmè ye.
sabu, mógo dusu tè kelen ye,
u ma suma k'u dama kènyè.

e, n badenw, an ka sabali, ka miiri, ka furusa dabilà.
muso danbe ye furu de ye.
wa, cè tè hòrònna n'a furumuso tè.
furusa bë se ka du ci,
a bë se ka denw kè falatò ye,
a bë kè sababu ye
ka siginyogònna tinyè, ka balimaya nagasi.
e, n balimakèw ; e, n ballimamusow,
an kana dinyè sokègirin, ka ban furu ma.
dinyè tè so ye, lahara tè taga yòrò ye.
mógo o mógo, n'i y'e dinyè sokègirin,
i bë segin k'a ndnsitsama.

Jara Tarawele
Sotuba

kibaru kanubagaw kuma yòrò masa Solomani

masa Solomani tun ye masa-
ke ye. ala ye dinyè danfèn bée
di a ma, a ye fén bée mara a ka
masaya kónò.



a ka masaya jiidi kojugu fè,
a nisondiyalenba, danfèn bée na-
len bée ka na sigl a ka baro da la.
a nisondiyalen nana a kan to
barodenw ma, a ko :
- "ne ka barokèlaw, a' bée ka jè,
ne masakè Solomani b'a fè ka na
kuma dò fò jama ye, bée ka i
hakili to a la."

jama bée jèra, masa Solomani
ko jama ma :

- "jama, kari nata sôgôma joona
fè, danfèn bée ka nyogón sôrô
nin yòrò kelen na yan. ne bée
dinyè danfèn bée dumuni, fo bée
k'a fò, i fara."

u ye kuma da nyogón tulo kan,
kuma diyara u bée tulo ye, dan-
fèn bée nisondiyara.

*
* *

masa Solomani ye o kuma fò
minkè, masa Solomani ye ci bila,

ka muso bée wele, ko sibiri wula
fè, ko muso bée kà nyogón sôrô
a ka so, u ka taa dumuni baara
daminè, ka taa se kari ma, ka
dumuni dilan ka nin yòrò bée
fa ; kari dugujè la, ko danfèn bée
ka nyogón kùnbèn dumunikè yòrò la.

*
* *

kari dugu jèra, jègè kelen de
ye danfèn bée kón dumunikè yòrò
la. o jègè sera tuma min na, masa
Solomani ko o ma ko o ka bin du-
muni kan, ko a tè ban.

jègè ye dumuni daminè ; a ma-
na minèn dò ban, a bée gérè minèn
dò la. jègè in nana to o fè, ka
dumuni dilannen bée dun, fo k'a
ban pewu, k'a sôrô, danfèn tòw
ma na fòlò.

*
* *

masa Solomani kamanaganna,
dumuni dilannen dinyè danfèn
bée kama, jègèden kelen ka na o
bée dun, o y'a kamanagan kosè-
bè. a ye jègè nyininka, ko :
- "yala, jègè o, i fara wa ?"
o y'a sôrô jègè ye dumuni

kè kà ban. jègè ko a ma :
- "ne ma fa nka, kóngò tè n na."

dò farala masa Solomani ka
kamanagan kan ; ala ka sôrô, ka
mèlèkè Jibirili ci masa Solomani
ma, k'a f'a ye ko ni ala ye dinyè
fèn di mógo min ma, i kelen k'a
dun, ko ni ale ma ni hinè bèn
i la, ko a tè foyi nyè i ye.

*
* *

masa Solomani salen, a tun
y'a fò ko a bée dinyè danfèn bée
fa dumuni na, k'a bèn kari don-
yan min ma, tubabuw ye o kari
donyan sugandi k'o bila, ko baa-
ra tè kè o don.

a dumuni baara daminèna si-
biri wulada min fè, nansara ye
o fana bila, ko baara tè kè o fana
na. nansara ka "dimansi" bila, ka
"samidisuvari" bila, baara tè kè,
a daminèna masa Solomani ka nin
baara de.

n'i y'a ye fana, i mana jamajè
dumuni kè, k'i kónò fa cogo o
cogo, n'i bòra a dun yòrò la ka
ban, a bée kè komin i ma foyi
dun, o fana daminèna fo masa
Solomani tile la.

Banuhun Danbèlè
Dokolo bamanan

ni ala sònna...

nin kèra sènèkèla dò ye, a y'a
ka foro sènè, fo k'a tò kè fitinin
ye. a ko : "sini, ne bée na ka foro
yòrò nin tò sènè."

a muso ko :
- "a fò : ni ala sònna, n bée na a
tò sènè."

cè ko ni ala sònna, a bée nin
yòrò nin sènè ; ko ni ala ma sòn,
a bée nin yòrò nin sènè.

o dugusejè, cè nana se a ka

foro la, a ye mankalannin dò ye,
donsokè dò y'a ci, ka mankalannin
sen fila kari.

forotigi ye mankalannin gèn,
ka boli k'a ta sôgôma fè, fo ka
taa tile ban. mankalannin ma sô-
rô, cè ka foro ma sènè.

o la, ni mógo bée baara o baara
la, i k'a fò : "ni ala sònna".

Musa Kônè
Kikò


Dononkòrò

Kokoriko! Ma tè fili i nyabaga ma.
 Bèe bè nè dununkòrò dòn.
 Nbè miiri bée kunko la.
 O kòsòn n'ka sunògò man ca.

Kabini fajiri, n'bè bée lakunu.
 Nb'a fò: dugu jèra, baara tuma sera,
 mógo sutara baara.
 Mògo sèbè bée bée wuli, nka salaya dalen
 bée sunògò la magosa sunògò.
 Ah! salaya man nyi.

Cikèla, i jija, kana timinangoya.
 Baara bée mógo nafa, min b'a kè konyuman.
 I na se k'i yèrè nyè, ani ka dinyémogòw
 nafa.
 I na hòronkan fana fò, maa ka juru t'i la.
 Kokoriko! ne dununkòrò tì nkalon fò, masaya
 jogò bée n'na.
 A filèlinyè bée n'fè, a taamasen bée n'kòrb,
 A duloki bée n'kan na, a fugula bée n'kun na
 Masaya diyayòrò ye kumakunanfò ye.
 Bè k'i sigiyòrò dòn, mógoya ka sabati.

Mamadu Baba Tunkara
 Kalandinkaramoko
 Kita.



—Jawoyi TARAWELE ka nyininkali —

Nin ye nyininkali ye
 ka bò Jawoyi Tarawele
 yòrò ka bò Fuladugu Kò-
 kolonna, n'o bée sebekòrò
 fè, Kita kafo kòndò.

Ne bée kibaru ni balikukalansoba baarakèlaw
 nyininka n'o y'a sòrò a-
 likuranè kòndò kumaw bée
 se ka bayèlèma k'u sèbèn
 bamanankan na, i n'a fò
 u ka hakili nyumanya ye
 tubabukan bayèlèma cogo
 min bamanankan na.. N'aw
 y'a lajè ka alikuranè
 kumakanw sèbèn bamanan-
 na, walasa a w balikuka-
 landenw bée se ka dòonin
 faamu Alako la, o bée di-
 y'an ye, k'a sababu kè
 bée tè se ka kè larabu-
 kanlanna ye.

An ye Kibaru kuntigi
 Amadu Gagni Kante furu-
 muso fatuli kibaruya mèn
 Ala ka hinè fure la. Ala
 ka lahara fisaya a ma ni
 yan ye.

N'ka foli ami walenu-
 mandòn bée se ka taa kibaru
 baarakèlaw ye.
 Jawoyi TARAWELE ka bò
 Fulakòkolonna.

Jaabi

An balimakè Ja-
 woyi TARAWELE, an y'i ka
 nyininkali mèn, wa a di-
 yar'an ye fana. I ye min
 fò, an hakili la, o ye
 balikukalandenw bée sago

ye. Kan ma bò kan na, an
 bée se ka faamu ya sòrò
 dinyè ko bée kan, kan
 bée la. Nka, i bée min
 nyini, mógo minnu bée se
 k'an bée dèmè o la, o ye
 kuranè dònbagaw ye; o ye
 mógo ye, minnu bée larabu-
 kan ni bamanankan faamu
 a nyè bée ma. O la sa,
 balikukalandenw bée tògb
 la, an b'an kan bila
 Mali silamèjekulu "AMUPI"
 ma, u k'a lajè n'u bée se
 k'an dèmè, an ka silamè-
 ya kècogo wale gèlèn dbw
 "vèlèma bamanankan na,
 walasa an balima minnu
 na kalanke larabukan na,
 olu bée se ka bò fili la
 cogo min na dlinè timèli
 konyuman sira kan.

SABUSIRE DUGU

Sabusire Kuruju bë Lentu aréndisianan na. Kayi y'a sérèkili ye. Sabusire ni Kayi cè ye kilomètèrè 6 ye. Dugu minnu bë Sabusire lamini na elu filè nin ye:

- Kuruju bë Sabusire ni kérta cè;
- Kulum bë Sabusire ni tilebin cè;
- Lenba b'a ni weredugu cè;
- Saliyabugu b'a ni kèyeka cè.

Dubalem jiri dë bë Sabusire dugu kéné min turula a bë san 60 bë.

Ké dë bë Sabusire

n'a bë wele ke kétfin, aka tubabuw b'a wele ke keléntine.

Kéléni dë fama bë yen min senni bë san 60 bë; jiri minnu bë kéléni in da la e ye genu ni négondéye

bén bë SABUSIRE

Sabusire ye cikédugu de ye. Jékabara bë Sabusire nin y'a san filia ye. U bë tiga sénè jékabara la. San 1985 la, u ye tiga taari

6 sénè. U ka sérè kér'e la témé 6 ye.

Sabusire négew bë bénen den, bawo jékabara tè se ka kò ni bén tè. Nyégondéne bë Sabusire dugu kéné; nyégensirataana b'a kéné; nyégondén ni nyégtakanu b'a sigibagu bë ni nyégen cè.

Jékabara de bë hérè ni lafiyu sabati dugu kéné. Sabusirekaw ye jékabara faamuya ani k'a nafa dën.

Alu SIDIBÉ ka bë Sabusire.



"UNFM" ka laadala kòngèrè 4 nan



Mali musow ka nyögón-lajérèba naaninan kéra zanwuye kalo jamanakuntigi nyèna an'a furumuso Mariyamu TARAWELE.

Baara minnu dansigira u ka lajè sabanan na olu fèsèfèsèra u fè ani baara minnu ka kan ka kè, u y'olu boloda. Nin walew bée bée musow mahoronyali de sira kan.

Orokiyat SO, Mali musow ka ténba "UNFM" nyémogò kérò ka kuma kónò, Mali musow ka tón ye waleya minnu kérè politikiko la, nafasbròsiraw fè ani hadamadenya yiriwali si-ra fè, a da sera nin bée na.

Nyögonye in kuncèl-senfè, Madamu DI Masa-ran KONATE min kéra mu-sow ka kuntigi kura ye, o ye kuma ta k'a jira ko nin nyögonye kérè Mali musow ka tón kolosigi nyögonye de ye. A ye layidu ta ko nyémogò kura minnu sigilen filè, olu bèn'u jija tón in yiri-wali baaraw la.

Ale bôlen ko yen, Pe-residen Musa TARAWELE ye

kuma ta. A y'a jira ko musow ka cèsiri dònne don bée fè, k'u ka kan ka fo o la.

Jamanakuntigi ko a ka kuma kónò k'ale dalen b'a la ko baara minnu kalifalen bée Mali musow la an ka nyètaasira dantigèli m'u fèsèfèsèli la, ko musow bèn'u jöyérò fa, o walew timèli la.

Peresidan y'a jira fa-na ko Mali musow ka tón bée waleya o waleya kè, o bée bée tali kè an ka nyètaasira dantigèlenw na; a bée baara o baara kè o bée témè forobatèn jimsira fè.

A ko fangaso kèlen bée ka baarada minnu daati-gè n'olu kuntilenna ye dunkafa lanyiniw ye ani jirintanya kélèli, a ko Mali musow jöyérò bée nin waleya bée la.

A y'a nyini musow fè u k'u seko damajira kè, walasa tinyèli bée dögoya cogo min jamana ka sörów la. A ko musow k'u jija ka dô bô gintanw na min-nu bée na ni wari latinyè ye.

A ko musow man'u jija ka dô bô o kunkow la, cèw fana bée tugu u kô o la, bawo waati ka gèlèn.

nyémogò kuraw

Nyémogoya bonya dira Peresidan furumuso ma Madamu Mariyamu TARAWELE

Nyémogoya walew dira Madamu DIKO Masaran KONATE ma; depite don, Depiteso nyémogò dankan 4 nan don fana.

Sekeretèri zeneraliya dira Madamu KOYITA Kami-sa JARA ma.

Nyémogò se mögt tòw: Minu. SAKO Kumba JALO.

"" KEYITA Farima SAMAKE.

"" BALAYIRA Ma BAJAGA.

"" KULUBALI Mariyamu MAMYA.

"" Orozi R. MOLINIYE.

"" JAKITE Kadija TOGOLA.

"" NJAYI Polini JARA

"" KULUBALI Bintu FUFANA

"" BEYI Kajatu KAMARA

"" KAMARA Hawa KAMARA.

"" TARAWELE Safiyatu DAN BELE.

"" SANOGO Mari JAKITE.

"" DUKURE Sokona DUKURE.

"" DARAWE Ayishe MAKENKE.

"" SANGARE Sajo SANGARE.